

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 19 (1924)

Artikel: Sut igl ischi de Trun (1424)
Autor: Muot, Giachen Hasper
DOI: <https://doi.org/10.5169/seals-882106>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 10.01.2026

ETH-Bibliothek Zürich, E-Periodica, <https://www.e-periodica.ch>

Sut igl ischí de Trun (1424).

Notizia histórica. Da quei temps (1423 e 1424) seradunavan savens da notg ils umens libers della Surselva en in uaul gju sut Trun, per sediscuorer, co mantener lur dretgs e libertads e seriscuder dals tiranns.

1.

Sper Trun sín in pastget verdegia in ischí
Barac ed umbrivaun.

Utschals, stgirats, aviuls frequentan siu tschupí
Fluriu da permavaun.

Sut quest ischí ein oz da grischa notg rimnai
Ils libers Sursilvans;
Ils purs independents, supiervis, obstinaí,
La torta díls tiranns.

2.

In vegl cun ferma vusch aud' ins vonzei clamond:
«Amitgs, fagei il rin.»

Ed in versau cauvitg s' enclina dumandond
Ils meinis de scadin.

Las vuschs aud' ins tunar, sburflar e sefitgar
Sul reger díls baruns, —
Allura pli quiet mussar ed explicar
Las leschas díls babuns.

3.

Il pur independent vul buca plí pagar
 Las taglias de subdit;
 El ei gie sez patrun e maungla buc purtar
 Il giuf de servítit.

Il prus agricolant vul buca plí perver
 La biestga díls baruns:
 Lur vaccas e cavals deín buca plí puder
 Pascar ses libers funds.

4.

Ils pugns díl prepotent, úiaras ed excess,
 Quei deígí uss calar.
 Il píevel vul la pasch, in regulau process;
 Il dretg dei dominar.

E librameín duei passar il viandont
 La vía de cumín;
 E senza tema ír a fier' il marcadont,
 A Sogns il pelegrín.

5.

E sí encunter tschiel alzavan uss ils caus
 Lur mauns per serrament. —
 La glína mava sí e sularav' ils tgaus
 Grischots en quei mument. —
 Las vuschs sbarbuttan aunc de bass, secússeglíont,
 Co l'ovra corunar;
 E dubis neschan, quel e tschel dí murmígnond,
 Quei detti bía de far.

6.

Denton s'enclína leu Lombriser de Sumvítg
 E plaída ledameín:
 «'Glavat lai dí a vus, ch'el seígí vies amítg,
 Cun quel va l'ovra beín!»

'Gl uaul rebatt' in griu unisonô d' applaus:
«E viva nies avat!
Il survient de Diu po dar a nus ruaus,
Salvar la libertad.»

Quella poesja, comparida en Nr. 20 della «Gasetta Romon-
tscha» de 1885, sut il tetel: L'allianza dils purs grischs de 1424,
sutsignada cun in M . . . ei memia frestga e flurenta, per vegnir
messa dad in maun igl onn digl giubileum della Lgia grscha.
Il cuntegn historic ed ils plaids vigurus signaliseschan clar avun-
da nies Giachen Hasper Muoth de Breil, il qual stat sidretg
tras atgna peisa.

